

# Fambisa Xiyimo xa wena xa Vulandzelelanawu wa Xibalo

## Xana i yini leswintshwa?

- **1 Khotavuxika 2021** – U nga se kombela TCS eka ku rhurha, u fanele ku va u hetisisile phurosese yo Yima ku va Mutshami (Cease to be a Resident process). Vona [webupheji ya Cease to be a Resident](#) ku kuma vuxokoxoko byo tala.
- **1 Nyenyankulu 2021** - Switsariwa swo seketela mayelana na Rhurho na FIA swi engeteriwile leswintshwa ku kombisa micinco ya sweswinyana eka tiphurosese ta Vulawuri bya Cincano wa Matiko Mambe ku katsa na ku tumbuluxiwa ka Nawundzhundzhuluxo wa Milawu ya swa Xibalo, 2020.
- **5 Nyenyenyani 2021** - Sweswi u nga [kombela Xiyimo xa Nandzeleriso wa wena wa Xibalo laha.](#)

## Xana i yini?

Eka tshalatshala ra hina ro ya mahlweni hi antswisa nandzeleriso no endla swi olova eka vahakelaxibalo ku fambisa timhaka ta von ta xibalo, Vukorhokeri bya Xibalo bya Afrika-Dzonga (SARS) yi tivisile Sisiteme ya Xiyimo xa Vulandzelelanawu bya Xibalo leyi antswisiweke. Ku humesiwa ka Xitifikhethi xa Mbhasiso wa Xibalo (TCC) swi yimisiwile ku sukela hi ti2 Hukuri 2019. PHINI ya TCS yi ku kotisa ku pfumelela vandla rin'wana na rin'wana ra vunharhu (nhlangano kumbe mfumo) ku langutisa xiyimo xa wena eka inthanete hi ku tirhisa eFiling. Yi ta va nyika xiyimo xa wena hinkwaxo xa vulandzelerisanawuna eka siku na nkarhi lowu va nga xi vona hi wona. Ku sirhelela xihundla xa muhakelaxibalo, ku hava vuxokoxoko byin'wana lebyi nga ta fikeleleka eka vandla ra vunharhu.

Ku landzelerisa xibalo no 'hakela xiave xa wena' a swo va kahle ka wena ntsena, kambe swi tlhela swi hoxa xandla wa kahle eka nkulo wa ikhonomi ya tiko ra hina leswi hi le tlhelo swi vuyerisaka vaaki va Afrika-Dzonga hinkwavo.

Sisiteme ya TCS ya kumeka eka mitirhiso leyi landzelaka:

- Xiyimonene
- Thendara
- Xengetelo wa Vuvekisi bya Matiko Mambe
- Rhurho

Ku endla xikombelo xa TCS ya wena, u nga fikelela sisiteme ya TCS hi ku hlawula nhlawulo wa menyu wa TAX STATUS eka eFiling.

## Xana i ya yini?

Sisiteme leyintshwa yi ta endla swi olova eka vahakelaxibalo ku kombela Xiyimo xa vona xa Vulandzelelanawu xa Xibalo (TCS) hi ku tirhisa eFiling no amukela PHINI leyi u nga ta yi tirhisa ku pfumelela no kotisa mavandla ma vunharhu ku tiyisisa xiyimo xa wena.

PHINI ya TCS yi fanele ku tirhisiwa hi mavandla ma vunharhu lama pfumeleriweke (lama u avelanaka na vona PHINI ku tiyisisa xiyimo xa wena xa vulandzelelanawu eka inthanete hi ku tirhisa SARS eFiling. Swi na nkoka ku tsundzuka leswaku xiyimo xa nandzeleriso wa muhakelaxibalo a xi tshami xi nga cincici naswona xa cinca hi ku ya hi nandzeleriso lowu ya ka emahlweni na swilaveko swa xibalo.

## **Xana ndzi fanele ku endla yini?**

Na leswi emihleketweni, loko u fanele u landzelerisa xibalo, u fanele ku tiyisisa leswaku:

- A wu na mitlheriso yin'wana ya xibalo leyi kayivelaka ku rhumeriwa
- A wu koloti mali yin'wana na yin'wana eka SARS handle ka loko malulamiselolo yo hakela kumbe yimiso wa xikweleti ku pfumelelaniwile hi wona
- U titsariserile swikumiwa hinkwaswo swa xibalo leswi u nga na vutihlamuleri eka swona
- Vuxokoxoko bya wena lebyi tsarisiweke byi engeteriwile leswintshwa. [Mayelana na mahungu mo tala ma leswaku u nga engetela njhani leswintswa eka vuxokoxoko lebyi tsarisiweke tlilika laha.](#)
- U nga va u hlanganisile (hi ku tirhisa Merge tool eka eFiling) kumbe u tivisile (eka fomo ya ERC01 leyi nga kona tanihi xiphemu xa phurosese ya TCS eka eFiling), tinomboro hinkwato ta rheferense ta xibalo leti tsarisiweke. [Mayelana na mahungu eka Merge, tlilika laha.](#)

Sisiteme leyintshwa ya TCS yi le mbilwini ya xipfuni xa “My Compliance Profile (MCP)”. MCP yi pfumelela vahakelaxibalo mbono wa le ka inthanete wa vulandzelelanawu bya vona bya sweswi ehenhla ka swilaveko swo karhi, tanihileswi kumisisiweke ha kona hi SARS. Vahakelaxibalo va nga kota ku boxa ntlulo wa vulandzelelanawu byin'wana na byin'wana no teka goza leri faneleke ku lulamisa leswi. Ku tivisiwa ka MCP swi nyika vahakelaxibalo mahungu mo tala mayelana na vulandzelelanawu bya xibalo no vumba tshaku ra xiyimo hinkwaxo xa vulandzelelanawu lebyi humesiweke loko xikombelo xa TCS xi rhumeriwa eka SARS (xikombiso eka Thendara kumba Xiyimonene na swin'wana).

Ku kuma vuxokoxoko byo hlaya eka tiphurosese ta xiyimo xa vulandzelelanawu bya xibalo landzelela tilinki laha hansi:

- [U fikelela njhani “My Compliance Profile” hi eFiling](#)
- [U kombela njhani Xiyimo xa wena xa Vulandzelelanawu bya Xibalo](#)
- [U tiyisisa njhani Xiyimo xa Vulandzelelanawu bya Xibalo](#)